

## ST. JOHN XV.

## Límík'.

LAK SHILDA WIL WELUM.

- 1 Lak shilda wil welum,  
A dip dum gau'l wait dō:  
Wait dō wil dā'l Lak-ām,  
Lak āma zōziksh dō.  
Ze āma dē'ntquin nōm,  
Aná, Shimoigitqum.
- 2 Lak shilda wil welum,  
'La h-sil 'l tquō-dāium;  
Gum gwil spaldum 'l āmin  
Hl hī-yūq' 'l hūwāium.  
Ze hōksquin laum spait sgēkq'  
Aná, Shimoigitqum.
- 3 Lak shilda wil welum,  
Záuk 'la t' ōium 'l gaub;  
Z' an nē a'l 'le ēshquin,  
Ze an líklindan nōm.  
Ginam le giakshin laum,  
Aná, Shimoigitqum.
- 4 Gaude l lak shilda gōn,  
'La giāum 'l wil Lak-ām;  
Tkā-gō'squ 'l ām ash gōsht;  
'La yūq' 'l dum giazqum laut.  
Ze gēim-gaudin laum,  
Aná, Shimoigitqum.

Amen.

Tune—BACCA. 6 6's.

**L**ip nē 'l shimōm s'au-vine,  
ni l gi Nagwaudi 'l shi-andōintqut  
laut.

2 Ni'l dum gi t' kba-gō l me'la  
giel 'l anish 'l lū-hētqut laui 'le  
a: gamāiit ge: ni'l dum gi t' ya'ai  
shik-shakshan 'l me'la giel 'le gamāiit  
ge, a'l dum wila anksh-yē'l dum ga-  
māiit ge gan welt.

3 Nishim ist 'l shik-shaksqut gōn,  
algiuk ge 'le di digagi laushim gan  
welt.

4 Gan ām'l ganiwila lū-hāk-hōksqu-  
shim laui. ni l dum gi di weli laushim.  
N'da'l wila wel 'l anisht nigi t' lip di-  
a' lqu dum gamāiit, ami ze ak gani-  
wila lū-hētqut a'l zim s'au-vine, ni l  
gi uk di nē laushim, a ze da ak gani-  
wila lū-ma'squshim laui.

5 Lip nē 'l s'au-vine se, ni'l gi nishim  
ist 'l ananishdi: ligi t' nā 'l dum gani-  
wila lū-hētqut laui, gan'l wil di lū-  
weli laut, ni l nēt ge 'l dum widesim  
gamāiit: a l wil nigi mishim di-ag' lqut  
ni dum shim agwi-zap 'l ligi agō a l  
dāi

6 Ami ze ak ganiwila lū-hētqu 'l giat  
laui, ni'l nel wil sha-ma'qut hōgiuket  
'l anisht, ni l gi gwalqut, ni l gi t'  
ksha:-do; 'l giat, ni'l gi t' 'ū-da ldit ge  
a l zim anlaqu, ni'l gi mi'ldit.

7 Ami ze ganiwila lū-ma'squshim  
laui, gan ze uk di wel 'l yō lim'esqui  
lū-mānt ge laushim, mi dum shim gi  
gwina'l agō'l hashashim, ni'l dum gi  
weldantqut laushim.

8 'La nēt t'kōna se dum wil an'laum-  
squ 'l Nagwaudi, a l dum widesim  
gamāishim, ni l dum gan disciplesqui  
laushim.

9 N'da t' wila shibani 'l Nagwaud ge  
ni'l ni wila shibanshim: gan ām l gani-  
wila lū-welshim a'l zim shibansqui.

10 Ami mi ze shim 'lōduk 'le yō lim-  
esqui, ni l dum gi gani lū-welshim a l  
'le zim shibansqui wilt ni wila 'lōduk  
'le yō lim'esqu 's Ni'waudi, gan di lū-  
weli a l zim shibansqut ge.

